



SIPWE KA E NON IMWACH!

Ka e non imwach mwirin sukuun mii fakkun namwot ngeni semiriit. E pwan feeraata aan semenap me inenap repwe pwaapwaaiti angaangen sukuun are pacheenong aar aninnis ngeni neuur kewe nee anisiir non aar ka e.

Mii fat pwe ekkewe semiriit re feffeeri aar nesen non iimw ikkena iir ekkewe re angaang mwirinne non sukuun fansoun raa mammaarita.

Pwopwun aan sense akkawora asaimen ngeni choon sukuun pwe repwe:

- sossot meet re ka e non sukuun,
- monnota ngeni meet repwe ka e neesor non sukuun,
- sineei meet sakkun pwuk repwe neuneu iwe repwe weeweeti,
- feeri meet rese ka e non sukuun pwokiten mwochomwoochen fansoun

ika semiriit re sopweeno eei napanapen ka e, iwe repwe eereni pwan weeweeti aar repwe pwisin awora aar fansoun ka e, iwe aar sine epwe napeno.

RUWAANU (4) METTOOCH KOPWE FEERI PWE NOUMW WE EPWE FEF- FEERI AAN NESEN NON IMWAN MWIRIN SUKUUN:

1. Pwaar ngeni noumw we oomw mwochen anisi pwuun semiriit re mwasangeiti mettooch ika re kuna pwe ineer me semeer re pwan pwaapwaaiti ika fefferi.

- awora eew fansoun epwe kaka e; pwan awora fansoun aami opwe ka e fengen
- aan neenien ka e epwe saramaram, esapw ekurang; epwe wor aan cheepen pwe epwe sorofes nee ka e
- Esapw anapa aan katon video ika foffoos chek woon tenefoon (telephone); ika imwemi we mi fakkun ekurang pwokiten choommongun choon, kapas ngeniir repwe mosonoson pwe noumw we/kewe repwe ka e aar nesen.
- awora aan pisekin ka e, aweewe reen piin, pwuk, ika cheen taropwe; nge ika mii weires ngonuk ekkeei mettooch, chuuri neun sense ika fen ewe principal aar repwe aninnis
- kopwe pwomweni woon inisumw meet ke mwochen noumw we epwe feeri; semiriit re ka e are sine mwittir seni meet re kuna; aiti noumw kewe aar repwe pwisin feeri meet uruurun repwe feeri
- fansoun annea pwuk, kopwe fiti noumw we nee annea ewe pwuuk epwe anneaani; epwe pwaapwaaiti menni pwuk epwe annea ika ke pwan fiti nee annea




- Ereni noumw we epwe ukkuwou pwuk seni aan sukuun pwe epwe akkannea non imwemi we; aami fengen opwe kan akkaasooos woon meet e kan kaka e non sukuun; iwe een me pwunuwomw we opwe fiffiti mwiichen saam me iin (PTA)

2. Chechchekii nampaan non sukuun ika mii echchuno ika fen ngaweno; sapw teees chek pwe pwan aan asaimen



- wiisomw, kopwe chuchchuuri neun noumw kewe sense pwe kopwe ekkeisiniir meet kootun sukuun non ewe unuseen ier; kopwe sineei meet sakkun aar nesen are asaimen ika meet re mwochen kopwe fefferi faan iten noumw kewe; sense re mwochen saam me iin repwe wiisen pesee ngeni neuur kewe repwe aweesi aar asaimen, iwe re pwan mwochen pwe repwe ekkeiis kapas eiis woon meet neuur kewe rese weweeti
 - kopwe chechchekii ika noumw kewe mii aweesi aar asaimen; achoolo ngeni kopwe feeri eei
 - euku seni noumw kewe repwe sou katon video ika feeri ekkooch mettooch pwuun rete tanechepwaakeno iwe rese chiwen feeri aar asaimen
3. Awora chek aninnis nge kosapw fakkun feeri ngeni noumw kewe aar asaimen; ikkeei ekkooch mettooch kopwe toongeni awora:
- ika ke kuna pwe emen noumw e sine ka ii meet e nengeni are kuna, iwe kopwe chungaani nioosun mettooch iwe kaa anapa oomw osukuunna woon; pwan ina chek ussun ika e sine kai reen angaangen paaw, kopwe pwan ngeni mettooch epwe feeri reen peun

- epechekkuna ngeni noumw we epwe kaka e an nesen pwe epwe sine aan asaimen toori aan tees



- fansoun aami ka e fengen, ekkeisini ika mii kan weeweeti aan asaimen; ika ese nien weeweeti iwe ina fansoun kopwe toongeni anisi (chechchemeni pwe kosapw fakkun feeri ngeni aan asaimen)
- ika noumw we mii angaangeech, pwaar ngeni oomw pwaapwaa pwe epwe sineei pwe een mii fakkun mwochen epwe sine meet e ka e me feeri non sukuun; nge ika mii ekis mang, anisi echchuu pwe epwe naponno sineean



4. ika mii fakkun weiresino aan weeweeti aan asaimen, chuuri chiechian ika sense ika ekkooch semenap ika inenap aami opwe aninnis fengen

- chuuri neun we sense ika noumw we ese mwochen feeri aan asaimen, ika ese fakkun weeweeti meet ewe e ka e, ika fen pwan een kose toongeni awora ewe aninnis
- awora oomw nukunuk non aninnis seni ewe sukuun are sense pwe iir repwe anisi noumw we; ika epwe wor aninnis fengen iwe epwe kisino ewe osukosuk iwe epwe wor weewe, pwuun aach osukosuk mii wor safean; eew aweewe,
- pwata ewe semiriit ese toongeni aweesi aan asaimen? neman ese mwirinne aan neenien ka e?
- aan we asaimen e kon weires? eni nampaan non sukuun mii ngaw iwe kopwe ne tungoreei sense epwe fituk nee anisi
- ese ne fen nuwaas woon meet aa ka ka e? ese fen kon mecheres meet e ka e iwe a feeraata aan aa chipwang pwe aa mwochen ka e ooch nesen mii weires? sapw meinisin semiriit repwe saani asaimen sense re ngeni-ir; choommong sense re awora asaimen ngeni semiriit aan epwe wor meet repwe feeri non imweer mwirin sukuun
- chuuri ewe sense me noumw we mwirin aami angaang fengen

MEET KOPWE FEERI PWE NOUMW WE EPWE FEF- FEERI AAN ASAIMEN (HOMEWORK)

kopwe awor a aan neenien ka e

- neenien aan ka e epwe mosonoson pwan saram
- awora eew fansoun iteiten raan epwe feeri aan asaimen (assignment)
- epwe wor neun piin (pencil), taropwe(paper), peen (pen), me aan eukuuk (ruler)



ekkooch kapas eiis kopwe eisini noumw we:

- meet oomw asaimen (assignment) ikenaa?
- mii fat ngonuk? ika kose weewe, sipwe eiisini emen chienomw kewe ika fen noumw sense
- Ineet kopwe waanong?/ineet epwe toonong?
- kopwe feeri non naipreer (library) ika woon campiuuter (computer)?
- kopwe neuneu cheen taropwe ika paap?
- kaa pwopwuta feeri oomw asaimen ikenaa? aa wees?
- meet sakkun? kopwe mak non taropwe ika eew (project) non sains (science)?
- ika pwe eew mii watte, esapw ech ika ke feeri oomw skeichuwon (schedule) reen eew me eew?
- satuni non napanapen eew test pwisin ngonuk

ekkooch anen aninnis ngeni noumw we:

- nengeni chek ika katon chek aan asaimen (assignment) nge kosapw feeri ngeni
- chuuri neun sense pwopwutaan sukuun; kapas eiis ngeni reen ennukun asaimen
- Meet sense re mwochen epwe feeri, een kopwe anisi woon
- katon noumw we fansoun aan ka e aan asaimen pwe kopwe kuna ika sineei napanapen aan ka e
- chuuri neun we sense ika mii wor mettooch kese weeweeti

Ika mii aweesi aan asaimen, kopwe apwaapwaai neetipan

Resources: This information was taken from *Your Child With Homework*, one of a number of publications for parents published by the U.S. Department of Education. To find out what's available and how to order, request a free Consumer Information Catalog from the Consumer Information Catalog, Pueblo, Colorado 81009.

Please feel free to reproduce this information.

U.S. Department of Education
Richard W. Riley
Secretary

Office of Educational Research and Improvement
Sharon P. Robinson
Assistant Secretary

Office of Reform Assistance and Dissemination
Ronald W. Cartwright
Acting Director

ORAD 96-1212